

समे – 12:25 hrs.

<><><><><><>

ISRO

भारतीय अंतरिक्ष अनुसंधान संगठन इसरो नै जंदी रातीं स्पेडेक्स मिशन दी कामयाब अजमैश कीती। श्री हरिकोटा सतीश धवन अंतरिक्ष केंद्र थमां इसरो दे PSLVC-60 राकेट गी द'ऊं अंतरिक्ष यानें कन्नै गासै च छोड़ेआ गेआ। एहदे नै अंतरिक्ष च डॉकिंग यानि वमान दे स्थापित करने ते हटाने दे कम्मैं च मदद होग। PSLVC-60 राकेट नै SDX-1 ते SDX-2 नां दे द'ऊं उपग्रहें गी धरतीदी नीमी कक्षा च कामयाबी कन्नै स्थापित करी दिता। SDX01 गी चेंजर ते SDX-2 गी टार्गेट नां दिता गेदा ऐ। एह दवें उपग्रह अगले 10एं दिनें च अंतरिक्ष च डॉकिंग दा उद्देश्य पूरा करने लेई अगड़े बधाए जांगन। स्पेडेक्स मिशन दा मकसद अंतरिक्ष च डॉकिंग छमता गी उन्नत तकनीक दा प्रदर्शन करना ऐ जेड़ी भारत दे “मून मिशन” ते भारतीय अंतरिक्ष स्टेशन जनेए भविष्य दे कार्यक्रमें लेई अत जरूरी ऐ। एहदे कन्नै गै भारत स्पेस डॉकिंग दी छमता आहला दुनिया दा चौथा मुख्य बनी गेआ ऐ। एहदे शा पैहले अमरीका, रूस ते चीन कश गै एह छमता ही। सफल प्रक्षेपण दे बाद इसरो दे चेयरमैन एस. सोमनाथ होरें दस्सेआ जे दौनें उपग्रहें दे पैनल कामयाबी कन्नै तैनात करी दिते गेन ते अगले किश दिनें च दवै उपग्रह 20 किलोमीटर दा सफर तैह करियै ते परति मिलंगन ते फही डॉकिंग प्रक्रिया शुरू होग।

<><><><><><>

LG-JU Council

उपराज्यपाल मनोज सिन्हा होरें कल राजभवन जम्मू च जम्मू विश्वविद्यालय दी यूनिवर्सिटी काउंस दी 88मीं बैठक दी अध्यक्षता कीती। यूनिवर्सिटी काउंसल नै विश्वविद्यालय दे समूलचे कम्मकाज च होर सुधार करने लेई शैक्षिक ते प्रशासनिक महत्व दे बक्ख-बक्ख मामलें पर विचार-विमर्श कीता। बैठक च यू.जी.सी ते राष्ट्रीय शिक्षा नीति 2020 दे दिशा-निर्देशें ते अधिसूचनाएं मताबक कई प्रावधानें गी अपनाने ते शामिल करने सने बक्ख-बक्ख एजेंडें ते प्रस्तावें गी सिद्धांतिक तौरा पर मंजूरी दिती गई। उपराज्यपाल होरें यूनिवर्सिटी गी निर्देश दिता जे ओह अमले गी मजबूत करने, खाली पेदी असामियें गी पुर करने ते होरनें मामलें गी हल करने लेई महत्वपूर्ण गैह् पुट्टन। इस मौके पर जम्मू-कश्मीर दियां शिक्षा मंत्री सकीना इत्तू, उच्च शिक्षा मैहकमे दे अतिरिक्त मुख सचिव, उपराज्याल हुंदे प्रधान सचिव ते जम्मू यूनिवर्सिटी दे वाइस चांसलर प्रो. उमेश राय सने होरनें मुतल्लका अधिकारियें बी हिस्सा लैता।

<><><><><><>

LG-JU Council

उपराज्यपाल मनोज सिन्हा होरें कल राजभवन जम्मू च जम्मू विश्वविद्यालय दी यूनिवर्सिटी काउंस दी 88मीं बैठक दी अध्यक्षता कीती। यूनिवर्सिटी काउंसल नै विश्वविद्यालय दे समूलचे कम्मकाज च होर सुधार करने लेई शैक्षिक ते प्रशासनिक महत्व दे बक्ख-बक्ख मामलें पर विचार-विमर्श कीता। बैठक च यू.जी.सी ते राष्ट्रीय शिक्षा नीति 2020 दे दिशा-निर्देशें ते अधिसूचनाएं मताबक कई प्रावधानें गी अपनाने ते शामिल करने सने बक्ख-बक्ख एजेंडें ते प्रस्तावें गी सिद्धांतिक तौरा पर मंजूरी दिती गई। उपराज्यपाल होरें यूनिवर्सिटी गी निर्देश

दिता जे ओह् अमले गी मजबूत करने, खाली पेदी असामियें गी पुर करने ते होरनें मामलें गी हल करने लेई महत्वपूर्ण गेंह् पुट्टन। इस मौके पर जम्मू-कश्मीर दियां शिक्षा मंत्री सकीना इत्तू उच्च शिक्षा मैहकमे दे अतिरिक्त मुख सचिव, उपराज्याल हुंदे प्रधान सचिव ते जम्मू यूनिवर्सिटी दे वाइस चांसलर प्रो. उमेश राय सने होरनें मुतल्लका अधिकारियें बी हिस्सा लैता।

<><><><><><>

Home Secy. Review Meet

केंद्री गृह सचिव गोविंद मोहन होरें श्रीनगर च विशिष्ठ सुरक्षा अधिकारिएं कन्नै इक बैठक लाइए जम्मू-कश्मीर दी सुरक्षा स्थिति दा जायजा लैता। इस बैठक च सुरक्षा बल, पुलिस ते खुफिया विभाग दे उच्च अधिकारी शामिल होए। केंद्र शासित प्रदेश च आतंकवाद रोधी अभियानें बारें चर्चा करने दे अलावा कब्जा रेखा पर कीते गेदे होरनें सुरक्षा सरबन्धी हीलें पर बी चर्चा होई। बैठक च हाल च होई दी बर्फबारी पर बी चर्चा होई कीजे इस दौरान घुसपैठ दियां कोशशां बदी जंदियां न। इस करी घुसपैठ गी रोकने लेई पूरे पराते तंत्र गी सौहगा रौहने दी जरूरता पर बल दिता गेआ। गृह सचिव होरें बक्ख-बक्ख एजेंसिएं बश्कार नेइमें तालमेल पर जोर पाया तां जे जम्मू-कश्मीर दी शांति गी कोई नुकसान नेई पुजाई सकै, खास करी औंदे गणतंत्र दिवस दे सरबन्धे च तैयारियां पूरियां होनियां लोइचदियां।

<><><><><><>

DC Jammu Inspection

जम्मू दे डिप्टी कमिशनर सचिन कुमार वैश्य होरें बाहु तहसील दा दौरा लाया ते लोकें तगर सेवाएं दी पुज्ज गी यकीनी बनाने आहले कम्मै दा जायजा लैता। इस मौके पर ए.डी.डी.सी ते अतिरिक्त डिप्टी कमिशनर होर बी उन्दे कन्नै मौजूद हे। डिप्टी कमिशनर होरें तहसील ते

नियाबत दफ्तर दा बी दौरा लाया ते कम्मकाज दा जायजा लैता। उने चट्ठा इलाके दा बी दौरा लाया।

<><><><><><>

Transport Commissioner

जम्मू दे ट्रांसपोर्ट कमिशनर विशेष पाल महाजन होरें ए.आर.टी.ओ दफ्तर उधमपुर दा दौरा लाया ते कम्मकाज दा जायजा लैता ते लोकें गी दिती जा रदी सुविधाएं दा जायजा लैता। ट्रांसपोर्ट कमिशनर होरें अमले गी हिदायत कीती जे ओह सेवाएं दी पुज्ज आम लोकें तगर बेहतर कारगर ते पारदर्शी ढंग्गै सिर पजान तां जे लोकें गी ओहदा लाह थोई सकै। ए.आर.टी.ओ उधमपुर होरें गी हिदायत कीती गेई जे ओह कनून नाफिज करोआने आहली गतिविधिएं गी बदान तां जे जिले च ट्रैफिक दी खलाफवर्जी आहली घटनाएं गी घट्ट कीता जाई सकै।

<><><><><><>

PSA

उधमपुर जिले दे बसंतगढ़ इलाके थ्वां पुलसै आतंकवादिएं दे इक सहायक गी जन सुरक्षा कनून तैहत हिरासत च लैता ऐ। ओदी पंछान मोहम्मद रफीक वलद मोहम्मद कासिम दे तौर पर होई ऐ। ओह बसंतगढ़ दा रौहने आहला ऐ। पीएसए दे तैहत इलाके च एह 5मीं गिरफ्तारी होई ऐ। अधिकारिएं दा आखना ऐ जे हिरासत च लैता गेदा एह व्यक्ति कई सारी आतंकी गतिविधिएं च शामिल हा ते एह आतंकवादी संगठनें गी उंदी गतिविधियां अंजाम देने च मदद ते सहायता उपलब्ध करोआंदा हा।

<><><><><><>

Weather

मौसम विभाग ने अज्जै लेई मौसम दे खुशक बने दे रौहने ते किश थाहरें सीत लैहर जारी रौहने दी पेशनगोई कीती ऐ। उआं कल मौसम दे बदलोखड़े रौहने ते कईकई थाहरें पर हल्की - बर्फबारी दी भविक्खवाणी कीती गई ऐ। मैहकमे नै आखेआ ऐ जे जम्मू दे पद्दरे इलाकें च3 थमां 6 जनवरी तगर मौसम दे बदलोखड़े रौहने दे कन्नाकन्नी हल्की थमां दरम्याने दर्जे दी बरखा बरने दे असार न। एहदे अलावा 4 ते 5 जरवरी गी उप्परलियें धारें पर बर्फबारी बी होई सकदी ऐ। मैहकमे नै यात्रियें गी सलाह दिती ऐ जे ओह जिला प्रशासन ते ट्रैफिक अधिकारियें आसेआ जारी मश्वरे दी पालमा करन। उआं जम्मू श्रीनगर राश्ट्रीय जरनैली शिड़कें पर गड़डियें गी दौनें बक्खी आओजाई दी इजाजत ऐ। मुगल रोड अजें बी बंद ऐ। हालांकि शोपियां आहली बक्ख थमां पीर गी गली तगर शिड़क थमां बर्फ गी हटाने दा कम्म पूरा होई गेआ ऐ ते मेद कीती जा रदी ऐ ते तौलें गै मुगल रोड गी ट्रैफिक लेई खोली दिता जाग।

<><><><><><>